



Broj predmeta: 21-000021/25
Broj akta: 13-1643SB-0011/25
Datum, 29.10.2025. godine
Mjesto, Brčko

Na osnovu člana 22. Zakona o Vladi Brčko distrikta BiH („Službeni glasnik Brčko distrikta BiH“ broj: 27/23 – prečišćeni tekst i 23/24), a u skladu sa članom 22. stav (1) tačka d) Zakona o javnoj upravi Brčko distrikta Bosne i Hercegovine („Službeni glasnik Brčko distrikta BiH“, broj: 18/24 – prečišćeni tekst i 31/25), članovima 24., 25., 26., i 27. Zakona o turističkoj djelatnosti Brčko distrikta BiH (Službeni glasnik Brčko distrikta BiH“ broj: 3/06, 19/07 i 11/20) i članom 6 Pravilnika o programu i načinu polaganja stručnog ispita za turističkog vodiča („Službeni glasnik Brčko distrikta BiH“, broj: 60/10) šef Odjeljenja za privredni razvoj, sport i kulturu objavljuje

JAVNI OGLAS ZA POLAGANJE STRUČNOG ISPITA ZA TURISTIČKOG VODIČA

I

Raspisuje se Javni oglas za polaganje stručnog ispita za turističkog vodiča za 2025.godinu.

II

Pravo polaganja stručnog ispita za turističkog vodiča imaju kandidati koji podnesu pismenu prijavu Turističkoj organizaciji Brčko distrikta BiH i koji ispunjavaju uslove propisane članom III ovog oglasa i članom 7. Pravilnika o programu i načinu polaganja stručnog ispita za turističkog vodiča („Službeni glasnik Brčko distrikta BiH“, broj: 60/10).

III

(1) Prijava za polaganja stručnog ispita za turističkog vodiča sadrži sljedeće podatke:

- 1) ime, očevo ime i prezime kandidata,
- 2) datum i mjesto rođenja,
- 3) vrsta školske sprema i smjer koji je kandidat završio (najmanje srednja stručna sprema u četvorogodišnjem trajanju) i
- 4) strani jezik, odnosno strane jezike koje kandidat želi polagati.

(2) Uz prijavu se podnose i sljedeći dokazi o kandidatu:

- 1) da je državljanin Bosne i Hercegovine,
- 2) da nije osuđivan za kazneno djelo protiv dostojanstva osobe i morala. (Uvjerenje iz Policije)
- 3) dokaz o uplati naknade za iznos troškova ispita.

(3) Sva dokumentacija koja se prilaže uz prijavu za polaganje ispita za turističkog vodiča mora biti dostavljena u originalu ili ovjerenoj kopija i ne starija od 6 mjeseci.

IV

(1) Stručni ispit za turističkog vodiča sastoji se od pismenog, usmenog i praktičnog dijela i polaže se pred Komisijom za polaganje stručnog ispita za turističkog vodiča koju imenuje gradonačelnik na prijedlog šefa Odjeljenja nadležnog za poslove turizma (Odjeljenje za privredni razvoj, sport i kulturu).

- (2) Prije polaganja stručnog ispita za turističkog vodiča održaće se seminar iz predmeta koji su obuhvaćeni u Programu stručnog ispita za turističkog vodiča.
- (3) Program stručnog ispita za turističke vodiče obuhvata sljedeće predmete:
- 1) Ustav Bosne i Hercegovine i Statut Brčko distrikta Bosne i Hercegovine (6 časova),
 - 2) Istoriju Bosne i Hercegovine i Brčko distrikta BiH (8 časova),
 - 3) Osnov turističkog zakonodavstva (4 časa),
 - 4) Osnovi turizma (10 časova),
 - 5) Vodička služba u turizmu (15 časova),
 - 6) Turistička geografija BiH (10 časova),
 - 7) Kulturno-istorijsko nasljeđe BiH i Brčko distrikta BiH (istorija umjetnosti i etnologija) (8 časova),
 - 8) Zaštita potrošača u turizmu (4 časa) i
 - 9) Strani jezik.

V

Nakon položenog stručnog ispita komisija izdaje uvjerenje o položenom stručnom ispitu za turističkog vodiča čime kandidat stiče uslove za obavljanje djelatnosti turističkog vodiča za Brčko distrikt BiH.

VI

- (1) Troškove organizacije seminara za prijavljene kandidate za 2025. godinu i troškove rada Komisije za polaganje stručnog ispita za turističkog vodiča snosi Turistička organizacija Brčko distrikta BiH, u skladu sa predviđenim finansijskim sredstvima odobrenim za 2025. godinu.
- (2) Troškove pohađanja seminara, polaganja ispita kao i troškove polaganja popravnog ispita snosi kandidat koji polaže stručni ispit.
- (3) Troškovi iz stava (2) ovog člana iznose 10,00 KM i uplaćuju se na Depozitni račun Trezora za prikupljanje neporeskih prihoda, broj: 552-000-18267624-57, vrsta prihoda: 722791, Budžetska organizacija: 1702001, opština: 099.
- (4) Kandidati će biti naknadno obavješteni o vremenu i mjestu polaganja stručnog ispita za turističkog vodiča.

VII

- (1) Pismenu prijavu na oglas za polaganja stručnog ispita za turističkog vodiča kandidati mogu dostaviti lično ili putem pošte na adresu Turističke organizacije Brčko distrikta BiH, Trg mladih 6., 76 100 Brčko distrikt BiH, sa naznakom: „Prijava na oglas za polaganja stručnog ispita za turističkog vodiča – NE OTVARATI“.
- (2) Uz prijavu kandidat prilaže dokaze iz člana III stava (2) ovog oglasa.
- (3) Rok za podnošenje prijave za polaganje stručnog ispita za turističkog vodiča je od 30.10.2025. do 14.11.2025. godine.
- (4) Nepotpune i neblagovremene prijave neće biti uzeti u razmatranje.

VIII

Sve dodatne informacije u vezi predmetnog oglasa mogu se dobiti svakim radnim danom od 7:30 do 15:30 časova, putem telefona 049/202-102.



ŠEF ODJELJENJA

Srdan Blažić, dipl. ekonomista